

TRANSVMP TVM
PUBLICVM , INCORPORATIONIS REGII , PRIVILEGII, DONATIONIS
 Castrorum, & Locorum de Robres, de Grañen, de
 Agüero, & de Pompíen, pro Aldeis Villæ de Sariñe-
 na factæ, & concessæ per Serenissimum Do-
 minum Petrum Regem
 Aragonum.

IN DEI NOMINE. NOVERINT VNIVERSI;
 quod anno à Natiuitate Domini millesimo, quin-
 gentesimo, octuagesimo, septimo, die verò decimo
 tertio, mensis Maij, apud Ciuitatem Cæsaraugustæ Reg-
 ni Aragonum, & in aula superiori domorum Dipputa-
 tionis, ybi Curia Domini Iustitiæ Aragonum, solita est
 celebrari, & hora celebrationis eiusdem, coram Illustri
 Domino Martino Batista de la Nuza, Iurisperito Locu-
 tenente admodum; Illustrissimi Domini Dñ Ioannis de
 la Nuza, & de Perellos, Militis Domini nostri Regis Cō-
 siliarij, ac Iustitiæ Aragonum in iudicio pro Tribunali
 sedente, & causas publicè, & more solito audiēte, & ce-
 lebrante, existente multitudine Procuratorum, & aliarū
 personarum, præsentibus me Notario dictæ Curiae, & te-
 stibus infra scriptis, comparuit personaliter constitutus
 Discretus Martinus de Lanaja, Notarius causidicus Cæ-
 saraugustanus, vt Procurator, & eo nomine Iustitiæ, Iu-
 ratorum, Concilij, & Vniuersitatis, ac singularum perso-
 narum, vicinorum, & habitatorum Villæ de Sariñena,
 conciliariter, vniuersaliter, particulariter, & tam coniun-
 ctim, quàm diuissim, & dicto nomine produxit, ac exhi-
 buit, seu fidem fecit in iudicio, & coram dicto Domino
 Locumtenenti de quodam, originali Regio priuilegio
 A dona-

donationis Caſtrorum, & Locorum de Robres, de Gra-
 ñen, de Aguero, & de Pompicn, aliter vocati de Grañen
 pro Aldeis dictæ Villæ Sariñenæ, eidem Villæ factæ, &
 conceſſæ per Sereniſſimum Dominum Petrum Regem
 Aragonum, necnon incorporationis prædictæ Villæ, &
 eius Aldearum, ac etiam prædictorum Caſtrorum, & Lo-
 corum pro Aldeis, eidem conceſſorum, per eundem Do-
 minum Regem Petrum, ad Regiam Coronam factæ, &
 conceſſio dictis principalibus, dicti Procuratoris parga-
 meno ſcripto, & per dictum Dominum Regem Ioannē,
 & alios de ſuo Conſilio firmato, ac ſigillo Regio in pen-
 denti ſigillato, & more debito expedito, non vitiato, can-
 cellato, nec in aliqua ſui parte ſuſpecto, ſed omni vitio,
 & ſuſpectione carente, originaliter, & in ſui prima ſigu-
 ra, cuius tenor de verbo, ad verbum talis eſt. NOS Pe-
 trus Dei gratia, Rex Aragonum, Valentia, Maioricarum,
 Sardinia, & Corſica, Comesq; Barchinonis, Roſilionis,
 & Ceritania, quod præteritorum memoria, quæ proba-
 bilem rationem ſolent inducere de futuris cedulæ cogi-
 tante, quanta diſpendia, quantaque, pernicioſa discrimi-
 na Regnis in ſe diuiſis conſuevit in generalia ſciſma, vel
 ſectio deſolatoria, quod tota Reſpublica Regnorum, &
 terrarum, quibus actore Domino poſſidemus in multis,
 ab olim præſens inerat huc omnino deſenſionum iacula
 non evaſit, tanto, pro inde ſalubrius ſuper ijs tenemur, fu-
 turis præ cauere periculis, & noſtris, noſtrorumque, fide-
 lium obuiare diſtidijs, quanto longè melius, atque perfe-
 ctius regalis Maieſtas, potentius imperat, & quietius ſe
 ſuosque gubernat, cum multorum Locorum inſignium
 robore circumſulta, eiufdem ciuilis potentia permanet
 indiuiſa igitur. Attendentes qualiter Villa de Sariñena,
 cum ſuis Aldeis intra Regnum Aragonum ſituata nota-
 bilis eſt, & inſignis, & in tali ſitu poſita, quod non parum
 expedit; imò neceſſarium imminet noſtræ Coronæ Re-
 giæ, rei que publice Regni noſtri, vt ipſa Villa, & eius Al-
 dea

3
deæ à nostra Corona Regia, nullo vnquam tempore se-
parentur fatentes, & recognoscentes vobis Iuratis, &
probis hominibus dictæ Villæ de Sariñena, & eius Aldea-
rum, quod vos diversis annis, vicibus, & temporibus, &
vsque ad præsens tempus, quo res habuit, seu est in articu-
lo habendi effectum, propter magnam affectionem, &
desiderium, quam, & quod habebatis, & habetis, vt sub
nostro essetis immediatè dominio laboratis, & cū mag-
na sollicitudine, & diligentia vacastis, seu intendistis, non
sine magnis vestris sumptibus, & expensis circa emptio-
nem, per vos faciendam certo modo de dictis Villa, &
eius Aldeis, quas tenebat, & tenet impignoratas a nobis
hæres nobilis quondam Petri de Luna, videlicet pro ter-
decem mille libris Barchinone, ex altera, & ipsam emp-
tionem vos fecistis, seu facere convenistis, & tenemini
pro maiori parte de vestro proprio nobis remanentibus,
in eisdem Villa, & Aldeis iurisdictione omnimoda, &
emolumentis eiusdem, necnon hoste, & caualcata coena,
& domi, ac pro fertis quando fuit pro generali dicti Reg-
ni, videlicet quod tunc, & non aliàs, vos in eis solvere, &
contribuere habebatis, vnde vobis ad gratiarum actio-
nes tenemur, & ad prosequendum vos favoribus, & gra-
tijijs opportunis in qua siquidem emptione, seu propter
eandem fuerunt inter nos, & vos inita certa capitula, &
per nos firmata, & iurata, vigore quorum vobis tenemur
vendere Castra, & Loca de Robres, de Grañen, & de
Agueto, & de Pompïen, cum eorum terminis, & iuribus
vniversis, ipsaque Loca, & Castra vnire, ac incorporare
Villæ, & Aldeis prædictis sic, quod perpetuo sint Aldeæ
dictæ Villæ, & vigore quorum, priuilegium vobis tene-
mur facere infra scriptum: Idcirco tenore præsentis char-
tæ nostræ, seu priuilegij cūctis temporibus valituri, tam
proprio motu, quàm respectu subsidij, & auxilij nobis
præstiti per vos probos homines, & Vniuersitatem dicta-
rum Villæ, & Aldearum, seu præstandi in emendo Villam

ipsam, & eius Aldeas ab hærede dicti quondam nobilis Petri de Luna, seu eius tutore, qui ipsam Villam, & eius Aldeas pro dictis quantitibus à nobis tenebat, cum vniuersis redditibus, & iuribus suis pignore obligatas ratione, cuius quidem emptionis nos iurisdictionem, & alia iura in prædictis Capitulis expressata adquisiuius, seu adquirere debemus, & nostro dominio sunt acquisita, & applicata, seu debent adquiri, & aplicari per nos, & omnes hæredes, & successores nostros, volumus, & concedimus perpetuo, atque prometimus in bona fide nostra Regia vobis fidelibus nostris Iustitiæ, Iuratis, & probis hominibus Vniuersitatis dictæ Villæ de Sariñena, & eius Aldearum. licet absentibus, tanquam præsentibus, & nos infra scripto pro vobis, & omnibus illis quorum interest, & intererit, ac poterit interesse hæc a nobis legitimè stipulanti, pascienti, & recipienti, ac iuramus per Dominum Deum, & eius sancta quatuor Euangelia Corporaliter à nobis tacta, quod dicta Villa de Sariñena, & eius Aldeæ quando per vos emptæ fuerint, & à nobis oblata, & donata, & dicta Loca, & Castra de Robres, de Grañen, de Agüero, & de Pompíen aliter vocati de Grañen, quæ Aldeas Villæ de Sariñena esse volumus, & concedimus perpetuo cum suis terminis, vel territorijs, Parrochijs, vel alcarcijs, aut aliquam partem ipsarum generaliter, vel specialiter nunquam separabimus, diuidemus, seggrebimus, nec alienabimus in filium, seu filios, vxorem nec aliquam aliam personam, vel personas mundi, Ecclesiasticas, vel sæculares nobis propinquas, vel extraneas per modum, seu viam, donationis, infeudationis, venditionis, impignorationis, vel permutationis, aut per modum de rehenes, nec quouis alterius generis, alienationis quocumque modo possit dici, vel exprimi ad in perpetuum, vel ad tempus, quacumque de causa, etiam si extrema necessitas nobis, & nostris, & Coronæ nostræ Regiæ Aragonum esset, vel censeretur, vel vtilitas diceretur, qui

imò, & nunc pro tunc, è conuerso volumus, & decernimus, ac legem pactionatam, & incommutabilem, ac perpetuum facimus, quod Villa ipsa, & eius Aldcæ, necnon dicta Castra, & Loca superius expressata, quæ pro Aldeis ipsæ Villæ de Sariñena damus, & concedimus perpetuo cum omnibus suis alcarcijs, terminis, & territorijs iurisdictione sua alta, & baxa, ac omnimoda integritate eorundem remaneat; & sint vnita perpetuo, & incommutabiliter Coronæ Regiæ Aragonum pariter, & affixe, & punc de præsentis eisdem affiximus, vniimus, & incorporamus, & vinculo indivisibili acnectimus Coronæ nostræ Regiæ supradictæ sic quod deinde facta dicta reintegratione Villa ipsa, & eius Aldcæ, ac dicta Castra, & Loca, quæ pro Aldeis ipse Villæ damus, & concedimus, vt est dictum, sint perpetuo membrum Coronæ Regiæ licet dictæ Aragoniæ, & ante vti mēbrum notabile ab ipsa Corona, & Regno, tamquam à suo corpore nequaquā valeat separari, per diem, horam, videlicet nec momentum, sicut nec potest membrum à suo corpore, absque lésione, & de formatione ipsius vllatenus seggregari, sed quicumque omni tempore fuerit Rex Aragonū, & nullus alius sit Dominus dictarum Villæ, & Aldearum, & Castrorum, & Locorum prædictorum, quæ de cætero perpetuo Aldeæ dictæ Villæ sicut aliæ, quas semper habuit Villa ipsa sint, & nominentur, & si per nos, vel aliquos successores nostros, scienter, vel ignoranter contrarium fieret, vel tentaretur de facto cum de iure nō possit, illud ipso facto, ex nunc, pro tunc, & è cōuerso irritū decernimus, & habere volumus penitus, & inane, tanquam factam, & attentatum contra ius, & legem pactionatam, & proprium iuramētum, & in dispendium salutis æternæ nostræ, & ipsorum successorum nostrorum, & in præiudicium etiam, & iacturam dictæ Coronæ, & dicti Regni nostri, & vestri dictæ Vniuersitatis, & proborum hominum dictæ Villæ, & eius Aldearum, tam anti-

quarum, quàm aliarum, quas nunc ipse Villæ, vt est dictum superius concedimus, & donamus, quibus ius est quæsitum in consistentia, & conventionē perpetua ipsius Villæ, & Aldearum cum Regia Corona nostra, & indivisibili vnitatē, cui iure nunquam derogari volumus aliqua via nunc, nec aliqua causa cogitata, vel non cogitata etiam si diceremus, aut offerremus, nos vestrum solvere interesse nos enim expressè, & ex certa scientia quascumque leges, & iura Canonica, vel civilia, & etiam municipalia quibus permissum sit, aut indultum certis casibus, vel certis rationibus donationem, vel alienationem fieri posse per Reges, aut Principes, seu quavis alias personas de Ciuitatibus, Villis, Castris, seu Locis non obstante priuilegio in contrarium inde facto, quoad hæc irritas, & nostræ Regiæ plenitudine potestatis, esse decernimus, inualidas penitus, & inanes, ac carere viribus omnibus, & effectu, & eisdem, ex nunc pro tunc, & è conuerso renuntiamus, & pro renunciatis, & casis haberi volumus, & iubemus, & præsentem legem pactionatam, dictis iuribus contrarijs, volumus, & decernimus prævalere illa vniuersa iura, quæ dictis iuribus cōtrarijs suffragari possint. Et dictæ plenitudine potestatis ipsi legi pactionatæ totaliter applicantes, & volumus, ac vobis dictis Iustitiæ, Iuratis, ac probis hominibus dictæ Villæ, & eius Aldearum præsentibus, & qui pro tempore fuerint concedimus, & elargimur, plenariam facultatem in caso, quo premissorum contrarium fieret, illi cui foret inde facta donatio cessio, venditio, permutatio, aut, quævis alia alienatio de præmissis, necnon etiam cuius à nobis potestatem habenti traddendi possessionem, de iisdem, seu iussis, & mandatis ipsius, vel ipsorum teneamini minime obedire, imò potius contradicere, & resistere cum armis, & siue totis viribus valeatis, etiam si esset, noster Gubernator Regni Aragoniæ, aut eius vices gerens, vel alius, seu alij, pro nobis tanquam personæ extraneæ, & cui

non

non effectis in aliquo obligati, & si propter dictam con-
 tradictionem, vel resistantiam in personis alicuius, vel
 aliquorum, damna, necesse aut vulnera inde fuerint subse-
 quuta, quæ per vos illata, vel perpetrata dicerentur de ip-
 sis nobis, vel correctioni, aut prognitioni alicui teneami-
 ni nullo modo, nec vobis possint infamia aliqua deno-
 tari, nec pugnatio inflexi. Imò nunc, pro tunc, & con-
 uerso, sitis de ipsis absoluti, quitij perpetuo, & immunes
 vobis, tamen dictam Villam, & eius Aldéas, tam antiquas,
 quam nouas, cum territorijs, iurisdictione, terminis, &
 iuribus ipsarum nobis, & dictæ Coronæ nostræ Regiæ
 præseruantibus, & nunc sunt tamquam naturali, & dire-
 cto Domino eandem, & hæc omnia, & singula per
 nos, & omnes successores nostros volumus, & concedi-
 mus perpetuo, atq; promittimus sub virtute superius præ-
 stiti per nos iuramenti, tenere, attendere, & servare irrefra-
 gabiliter, & teneri, & observari facere, & contra non ven-
 nire, seu facere aliquo iure, causa, seu etiam ratione, obli-
 gantes inclitum, & Magnificum Infantem Ioannem Pri-
 mogenitum nostrum charissimum, ac in vniuersis Reg-
 nis, & terris nostris generalem Gubernatorem, Ducem
 Comitemque Cervariæ, & vniuersalem hæredem,
 & successorem nostrum, & quoscunque alios successo-
 res nostros, & suos sub paternæ benedictionis obtentu
 ad observantiam omnium præmissorum, & hic conten-
 torum pro solidantia perpetuæ vnitatis, quæ per
 eosdem laudari iubemus, ac corporali iuramento robo-
 rari præmissa igitur omnia, & singula in præsentī Curia,
 qua nunc Aragonen. celebramus in Ciuitate Cæsaraug-
 ustæ, & de ipsius Curie approbatione, ac consensu, vo-
 lamus, conuicimus, promittimus, convenimus, & pacif-
 icimur, in bona fide nostra Regia, & sub Religione supe-
 rius præstiti iuramenti per nos, & omnes hæredes, & suc-
 cessores nostros, vobis dictis Iustitiæ, & Iuratis probis
 hominibus, & Vniuersitati dictæ Villæ de Sarriñena, &

cuis Aldearum tam antiquarum, quam novarum, & singulis in presentibus, & futuris, & Notario infra scripto pro vobis, & omnibus illis quorum interest, & interit, ac poterit interesse a nobis legitime stipulanti, pacifcenti, ac etiam recipienti, eis melioribus, & utilioribus viis modis, & formis, quibus possit intelligi, dici, & excogitari ad observantiam præmissorum, omni fraude sublata, & absque aliqua conditione, & redemptione, quam non facimus in eisdem, in cuius rei testimonium præsens instrumentum publicum fieri, & Bulla nostra plumbea pendentij iussimus communiri. Datt. & alias in domo Refectorij Monasterij Prædicatorum Cæsaraugustæ, vbi per ipsum Dominum Regem generalis Curia Aragonensibus celebrabatur, & ipsa Curia approbante die veneris nona Aprilis, anno à Natiuitate Domini millesimo tricentesimo septuagesimo secundo, regni que ipsius Domini Regis tricesimo septimo. S I G ✠ N V M Petri Dei gratia, Regis Aragonum, Valentia, Maioricarum, Sardinia, & Corsica, Comesque Barchinonis, Rossilionis, & Ceritanja, qui hæc laudamus, firmamus, concedimus, & iuramus *Rex Petrus*. Testes huius rei sunt ultra illos de dicta Curia generali, qui erant ibi præsentibus, tam Prælati, & personæ Ecclesiasticæ, quam alij homines, & varones, ac militis, & iudici Capitulorum, & Universitatum regalium, Iordanus Petri Durries gerens Vices Gubernatoris generalis in Regno Aragonum, Dominicus Cerdan Iustitia, Dominicus Luppifames Baiulus generalis dicti Regni, Berégarius Denpullo Camarlengus, Illustrissimæ Domina Regina, Emmanuel de Tenza Miles, ac Bertrandus de Vallosegun Doctor promotor Curia Regia, & Regens Cancellariam ipsius Domini Regis. S I G ✠ N V M mei Iacobi Conessa Protonotario dicti Domini Regis, eiusque auctoritate Notarij publici per totam terram, & dominationem, qui præmissis interfui, eaque de ipsius Domini Regis mandato, scribi, feci,

& clausi, & corrigitur in linea xxxviiij. teneamini. Dominus Rex mandavit mihi Iacobo Conessa P. R. quo quidem privilegio, seu charta Regia sic per dictum Martinum de Lanaja Procuratorem prædictum originaliter exhibito fide facto, & inserto, idem Procurator dixit: Quod cum dicti eius principals vellint, & intendât se iuare de dicto suprainserto originali Regio privilegio in diversis partibus, & Locis, tam intra, quàm extra præsens Regnum Aragonum, & coram diversis Iudicibus, & personis Ecclesiasticis, & sæcularibus, & sit inuolide periculosum, dictum originale Regium privilegium desuper insertum ducere, & portare propter inundationes aquarum, & alia viarum pericula, & discrimina, quæ eveniri possunt; ideo dictus Procurator supplicavit, & requisivit dictum Dominum Locumtenentem dicti Domini Iustitiæ Aragonum, quatenus dictum Regium privilegium desuper insertum in libro, seu registro actuum communium, & emparamentorum dictæ Curia Domini Iustitiæ Aragonum inseri, & registrari mandaret per me Notarium dictæ causæ infrascriptum, & de eodem registro, & privilegio Regio suprainserto, transumptum, autenticum, signatum, & sigillatum in firma fieri, & expediri mandaret, dictumque transumptum autorizaret, & suam auctoritatem, & decretum iudiciale daret, & imponeret, & sigillo dictæ Curia sigillari mandaret, vt eadem transumptum fides plena ab omnibus vbique tam in iudicio, quàm extra adhibeatur, tanquam dicto meo originali Regio privilegio desuper inserto, & dictus Dominus Locumtenens dicti Domini Iustitiæ Aragonum, auditis prædictis per dictum Procuratorem fieri supplicatis, & requisitivis visoque, & inspecto dicto desuper inserto originali, Regio privilegio, non vitiato cancellato, nec suspecto integro omni vitio, & suspicionem carente, illud per me dictum Notarium infrascriptum in dicto libro, seu registro, actuum communium, & em-

paramentorum dictæ Curia Domini Iustitiæ Aragonum inferi, & registrari mandavit, & de eodem Regio priuilegio instrumentum publicum, & autenticum transumptui fieri, & expidiri iussit, & sigillo dictæ Curia sigillari, & eidem transumptui suam auctoritatem, & decretum iudiciale interposui ius his verbis. NOS Martinus Batista de la Nuza Iurisperitus Locumtenens dicti Domini Iustitiæ Aragonum in iudicio pro Tribunali sedens, vissa, & intellecta supplicatione, & petitione per dictum Procuratorem nobis facta, & dicto originali Regio priuilegio desuper inserto, & per dictum Procuratorem exhibito, non vitiato, nec suspecto, omni vitio, & suspicionem carente, illud in dicto libro, seu registro dictæ Curia dicti Domini Iustitiæ Aragonum per dictum Notarium eiusdem Curia inferi, registrari, & apponi mandamus, & de eodem transumptum autenticum fieri iubemus signatum, sigilloque dictæ Curia in forma sigillari mandamus, eidemque transumptui nostram, auctoritatem, & decretum iudiciale imponimus volens, & decernens eidem transumptui ab omnibus in iudicio, & extra fides plenaria adhibeatur, tanquam dicto met originali Regio priuilegio, desuper inserto, quod fuit acceptatum per dictum Procuratorem, qui requisivit per dictum Notarium dictæ Curia infrascriptum fieri, & confici publicum instrumentum, & instrumenta, vnum, & plura, & tot quot inde essent necessaria, & opportuna, quæ fuerunt facta dictis die, loco, mense, & anno quibus supra in principio calendatis, & recitatis, præsentibus ibidem, pro testibus Magnificis Gregorio Villanueva, & Hieronymo de Ibarra, Notarijs Regijs, & dictæ Curia Cæsaraugustæ habitatoribus ad præmissa, vocatis, rogatis, patiter, & assumptis, &c.

*SIG ✠ NV M mei Martini Ambrosij Melguizo
de Lara, domiciliati eius Ciuitatis Cæsaraugustæ,
aucto-*

auctoritateque Regia per universam terram, & domi-
 nationes Domini nostri Regis publicus Notarius, ac Re-
 gentis substituti Scribania Petri Francisci de Cuello
 Scriba princ. una ex Scribanijs Curia Domini Iustitia
 Aragonum, qui huiusmodi transumptum à suo origina-
 li registro actus communis, & emparamentum presen-
 tis Curia, & Scribania, anni millesimi quingentesimi
 octuagesimi septimi, ubi est originaliter scriptum, & con-
 tinuarum extraxi, comprobavi, & meo solito signo signa-
 vi, approbo in mea signatura emmendata, ubi legitur tē
jn, & c.

[The page contains faint, illegible handwriting.]